



Broj: 20/1-11-2-2922-I

Dana: 24.01.2022. godine

Na osnovu člana 43., i 45., Zakona o unutrašnjim poslovima Federacije Bosne i Hercegovine ("Sl. Novine Federacije BiH broj 81/14), člana 100, stav (1) i (2) Zakona o javnim nabavkama ("Službeni glasnik Bosne i Hercegovine" broj:39/14), i preporuke Komisije za provođenje otvorenih postupaka nabavki za 2021 godinu, u postupku javne nabavke usluga osiguranja novih motornih vozila putem otvorenog postupka, postupajući po izjavljenoj žalbi na Odluku o izboru najpovoljnijeg ponuđača broj: 09-20/1-11-2-2922-I od 07.01.2021 godine, zamjenik direktora Federalne uprave policije, d o n o s i:

ZAKLJUČAK **o odbacivanju žalbe**

I

Odbacuje se žalba advokatskog društva "Martinović & partneri", odnosno advokata Hadžić Faruka iz Sarajeva izjavljena u ime žalitelja "ADRIATIC osiguranje" d.d. Sarajevo, broj 29/22 na Odluku o izboru najpovoljnijeg ponuđača broj: 09-20/1-11-2-2922-I od 07.01.2021 godine, ponuđača "GRAWE osiguranje" d.d. Sarajevo donesenu u postupku javne nabavke usluga osiguranja novih motornih vozila putem otvorenog postupka, jer je **izjavljena od strane neovlaštenog lica**.

OBRAZLOŽENJE

Odlukom zamjenika direktora Federalne uprave policije (u daljem tekstu: Ugovorni organ) o izboru najpovoljnijeg ponuđača za Javnu nabavku usluga osiguranja novih motornih vozila: LOT-1, broj odluke: 20/1-11-2-2922-I od 07.01.2022 godine, okvirni sporazum za nabavku usluga osiguranja novih motornih vozila – LOT-1 dodijeljen je ponuđaču "GRAWE osiguranje" d.d. Sarajevo kao najpovoljnijem ponuđaču primjenom kriterija – najniža cijena uz prethodno provođenje e-aukcije. U navedenom postupku svoje ponude su dostavili ponuđači: "GRAWE osiguranje" d.d. Sarajevo, "SARAJEVO-OSIGURANJE" d.d. Sarajevo i "ADRIATIC OSIGURANJE" d.d. Sarajevo.

Dana 17.01.2022 godine, ugovorni organ je putem e-maila zaprimio žalbu advokatskog društva "Martinović & partneri", odnosno advokata Hadžić Faruka, iz Sarajeva, koji se označio kao "punomoćnik" žalitelja/ponuđača "ADRIATIC OSIGURANJE" d.d. Sarajevo, uz naznaku da je original žalbe i punomoći ugovornom organu upućen putem preporučene pošte.

Dana 24.01.2022 godine, Komisija za provođenje otvorenih postupaka nabavki za 2021 godinu je uvidom u predmetni spis javne nabavke utvrdila da ni Advokatsko društvo, "Martinović & partneri", kao ni advokat Hadžić Faruk, niti "ADRIATIC OSIGURANJE" d.d. Sarajevo, do momenta razmatranja žalbe nisu dostavili punomoć za zastupanje od strane žalitelja/ponuđača "ADRIATIC OSIGURANJE" d.d. Sarajevo.

Slijedom navedenog, Komisija je prije upuštanja u meritum žalbenih navoda istu cijenila u skladu sa odredbama člana 100., stav (1) i (2) ZJN BiH i konstatovala da žalba nije izjavljena od strane ovlaštenog lica, budući da i nakon isteka žalbenih rokova na adresu Ugovornog organa nije dostavljena najavljena punomoć za zastupanje vlastodavca "ADRIATIC OSIGURANJE" d.d. Sarajevo, te je rukovodiocu Ugovornog organa dala preporuku da se ista, primjenom naprijed navedenih zakonskih odredbi odbaci kao **izjavljena od strane neovlaštenog lica**.

Nakon razmatranja preporuke zamjenik direktora Federalne uprave policije nije našao razloge koji bi eventualno predstavljali osnov za neprihvatanje iste, te je odlučio kao u dispozitivu Zaključka.

Pouka o pravnom lijeku:

Protiv ovog Zaključka može se izjaviti žalba Uredu za razmatranje žalbi u roku od 10 (deset) dana od dana prijema istog.

**ZAMJENIK DIREKTORA
GENERALNI INSPEKTOR POLICIJE**

Ensad Korman



Dostaviti:

1. "ADRIATIC OSIGURANJE" d.d. Sarajevo;
2. "GRAWE osiguranje", d.d. Sarajevo;
3. "SARAJEVO-OSIGURANJE" d.d. Sarajevo;
4. Sektor za materijalno-finansijske poslove;
5. Komisija (a/a)